

BLIC

ŠMUNK U DOBOJU I ZENICI - Ambasador Savezne Republike Njemačke Mihael Šmunk danas će posjetiti Zenicu i Doboju. U Doboju će razgovarati sa načelnikom Obrenom Petrovićem o političkoj, ekonomskoj i socijalnoj situaciji u ovoj općini. Šmunk će potom boraviti u Zenici, gdje će se sastati sa načelnikom Zenice Husejinom Smajlovićem i premijerom ZDK-a Miralemom Galijaševićem, a posjetit će i njemačko preduzeće Alba. Također, prisustvovalaće dodjeli nagrada Evropskog pokreta u BiH, gdje je ambasador Šmunk nominiran kao European Friend of BiH in 2008.

LAJČAK SA NVO - Visoki predstavnik Miroslav Lajčak sastaje se danas sa liderima nevladinih organizacija koje su potpisnice peticije upućene Parlamentu BiH kojom apeliraju na brži napredak ka evropskim integracijama. Cilj ovog sastanka je ohrabrivanje nevladinog sektora da preuzme aktivniju ulogu u promociji evropskih integracija, saopćeno je iz OHR-a.

PRENOS NADLEŽNOSTI - Sporazum o prenosu nadležnosti nad inspekcijama lokacija za skladištenje municije s EUFOR-a na Oružane snage BiH bit će potpisan na današnjoj svečanosti u kasarni Krupa u Pazariću. Inspektori OSBiH će tako provoditi inspekcije samostalno, jer su usvojili iste standarde kao i timovi EUFOR-a s kojima su radili tokom posljednjih mjeseci, saopćeno je iz MOBiH. Svečanosti će prisustvovati ministar odbrane BiH Selmo Cikotić, komandant EUFOR-a general Ignacije Villalain i načelnik Zajedničkog štaba OSBiH general Sifet Podžić.

DAN EVROPE U JAJCU - Kraljevski grad Jajce, kandidat za upis na Listu UNESCO-ove baštine, u povodu dva značajna datuma u historiji Evrope, 5. i 9. maja, Dana Vijeća Evrope i Dana Evrope, bit će domaćin najveće zastave Evropske unije. Zastava veličine 12 x 18 metara bit će postavljena na južni zid jajačke tvrđave. Uz prisustvo brojnih gostiju i uz svečani program ceremonija spuštanja najveće zastave Evropske unije bit će upriličena 9. maja u Jajcu.

VOJNA VJEŽBA U NJEMAČKOJ - Delegacija MO i OSBiH danas će prisustvovati vojnoj vježbi pod nazivom "Zajednički napor 2008", koja se održava u Njemačkoj. Na vojnoj vježbi interoperabilnosti u oblasti komunikacija i informacionih sistema učestvuju 16 pripadnika OSBiH. Tokom boravka u Njemačkoj, delegacija koju čine zamjenik ministra odbrane BiH Igor Crnadak, te generali Slavko Puljić i Sakib Forić, sastaje se sa rukovodstvom vježbe iz sastava Američke komande za Evropu i šefovima delegacija iz 44 zemlje članice NATO-a.

BOSS O POSKUPLJENJU - Predsjednik BOSS-a Mirnes Ajanović upozorava Vijeće ministara BiH i entitetske vlade da bi nepostojanje strategije uvoza energenata moglo ubrzo rezultirati masovnim socijalnim buntom jer, kako tvrdi, neometano mešetarenje naftnih lobija izaziva lančana poskupljenja sa sve težim egzistencijalnim posljedicama po većinu građana. "Na mogući ekonomski kolaps države upozorava i istraživanje američkog CNN-a, koji je utvrdio da se u BiH toči najskuplje gorivo na svijetu, pa je potpuno opravdan naš zahtjev da se ukine slobodno formiranje cijena goriva", ističe se u BOSS-ovu saopćenju.

INGLIŠ SA KOMARICOM - Banjalučki biskup Franjo Komarica primio je juče u Banjoj Luci veleposlanika SAD-a u BiH Charlesa Englisha i voditeljicu kancelarije američkog veleposlanstva u Banjoj Luci gospođu Heidi-Hakone L. Jovanović. Tom prigodom veleposlanik English se između ostalog zanimao za aktualnu situaciju katolika Banjolučke biskupije, posebno na području RS te za mogućnost većeg zajedničkog angažiranja vjerskih predstavnika oko uspješnog rješavanja aktualnih problema domicilnog stanovništva, posebno oko povratka Hrvata u RS.

MISA U POLOGU - Izaslanstvo Gradskog odbora HDZBiH Mostar, predvođeno predsjednikom Denisom Lasićem, prisustvovat će danas svetom misi u crkvi Blažene Djevice Marije u Pologu kod Mostara. Sveta misa slavi se u povodu sedamnaeste obljetnice zaustavljanja tenkova bivše JNA u Pologu, priopćeno je iz te stranke.



Kliford Bond

Na jučerašnjem sastanku s rukovodstvom Opštine Srebrenica, Kliford Bond, izaslanik OHR-a za Srebrenicu, istakao je da u ovom gradu treba napraviti takvu klimu da je nebitno koja će stranka pobijediti na narednim izborima. „Samo pod tim uvjetima sve strane moći će normalno da funkcioniraju“, rekao je Bond. Načelnik Opštine Srebrenica Abdurahman Malkić istakao je da se nada da će danas Predstavnički dom PSBiH usvojiti predložene izmjene i dopune Izbornog zakona BiH, što će omogućiti nastavak demokratskih procesa u Srebrenici. „Na taj način dat će se satisfakcija porodicama žrtava po osnovu presude Međunarodnog suda pravde“, istakao je



Ranko Škrbić

U posljedne tri godine u zemljama regiona opada broj oboljelih od tuberkuloze, saopćio je juče ministar zdravlja i socijalne zaštite RS-a Ranko Škrbić u pauzi Pete balkanske konferencije o tuberkulozi, koja je juče počela u Banjoj Luci. Učesnici konferencije, nacionalni koordinatori za tuberkulozu iz Hrvatske, Srbije, Crne Gore, Makedonije, Slovenije, Albanije, Turske, Rumunije i Bugarske, te BiH, raspravljaju prvenstveno o multirezistentnoj tuberkulozi, koja predstavlja najopasniji oblik. Radi se o tuberkulozi koja je otporna na većinu danas poznatih antibiotika, kazao je Škrbić.

Evropska unija priprema Sporazum s BiH

Brisel još ne zna TAČAN DATUM

Negodić: Svi radimo na tome, uz veliku pomoć Slovenije
• BiH prevode predala početkom aprila • Dosta vremena oduzele carinske tarife i kodovi

▶ Nastavak sa 1. strane

Ambasadorica Bosne i Hercegovine u Briselu Jadranka Negodić nije željela komentirati srbijansko-europski ugovor, kazavši tek da je "svima jasno zašto je EU donijela takvu odluku".

"Mi imamo svoj put i bitno je da smo ispunili sve uvjete", dodala je Negodić, kazavši da BiH ima u Briselu prijatelje koji se trude ubrzati potpisivanje SSP-a.

Spekulacije o julu

Ministarstvo vanjskih poslova BiH već je dalo nalog ambasadorima da u zemljama-članicama EU lobira za što brže potpisivanje Sporazuma, a Negodić ističe da na-

BEZ POMPE

Najzgodnija prilika za potpisivanje SSP-a je sastanak Vijeća ministara EU, gdje su na okupu ministri svih 27 zemalja-članica Unije. Uobičajeno je da se organizira kratka ceremonija potpisivanja, u pauzi sastanka evropskog vodstva.

"To se obično dešava na margini sastanka Vijeća, ali je, naravno, za svaku zemlju, pa i za nas, veliki događaj", prokomentirao je Osman Topčagić.

Za BiH, ističe ambasadorica u Briselu Jadranka Negodić, najzgodnije bi bilo organizirati potpisivanje upravo u ovom gradu.



Topčagić: Veliki događaj

ša zemlja za sada ima najveću podršku u Sloveniji i njenom ministru vanjskih poslova Dimitriju Rupelu. Ova

zemlja, inače, trenutno predsjedava Evropskom unijom.

"Bitno je da za potpisivanje SSP-a ne postoje političke pre-

Predstavnički dom Parlamenta FBiH

Povučen nacrt zakona o državnim službenicima

Zakonom, koji je predložila Vlada, veliki broj veoma bitnih državnih službenika bi bio biran iz političkih stranaka

• Ako bismo prihvatili ove odredbe, vratili bismo se deset godina unazad, kazao Irfan Ajanović

DEKLARACIJA O PRAVU DJETETA

Sjednica Predstavničkog doma FBiH počela je pomalo neuobičajeno, tačkom koju su izvela djeca iz sarajevskih vrtića. Na ovaj način djeca su ukazala na značaj vakcinacije u prevenciji zaraznih bolesti, a povodom Evropske sedmice imunizacije. Potom je usvojena deklaracija o pravu djeteta na vakcinaciju u FBiH, kojom je pozvano na blagovremenu vakcinaciju protiv 10 najzastupljenijih zaraznih bolesti. Po riječima federalnog ministra zdravstva Safeta Omerovića, oko 95 posto djece u FBiH obuhvaćeno je imunizacijom za što je iz ovogodišnjeg federalnog budžeta izdvojeno 3,5 miliona KM.

organima uprave, novoustoličena vlast dobila ingerencije da svake četiri godine bira barem trećinu, uglavnom rukovodećih državnih službenika.

- Ako bismo prihvatili odredbe ovog zakona vratili bismo se deset godina unazad, kazao je poslanik SDA i predsjednik Ustavno-pravne komisije Predstavničkog doma Irfan Ajanović.

On je dodao da se ovim zakonom ne bi izvršila depoliti-

zacija i racionalizacija javne uprave, kao ni profesionalizacija administracije u interesu svih građana.

„Ovim zakonom bi bilo omogućeno da veliki korpus veoma bitnih državnih službenika bude biran iz političkih stranaka. Plus, Agencija za državnu službu bi potpuno izgubila značaj“, kazao je Ajanović, dodajući da procedure koje provodi Agencija treba popraviti i ubrzati.

Politički korpusi

Procjena je da bi primjenom zakona od oko šest hiljada zaposlenih samo u federalnim



Brisel: Bh. dokument treba prevesti na 22 jezika Unije

Briselska administracija trenutno prevodi oko 1.300 stranica Sporazuma i njegovih aneksa na jezike zemalja-članica. Posljednje anekse, koji se odnose na carinske tarife i kodove, BiH je predala početkom aprila

preke, a to je jasno rečeno u saopćenju Vijeća ministara EU sa nedavnog sastanka", ponovila je Negodićeva.

Ona je podsjetila da je prva iduća sjednica Vijeća EU zakazana za 26. maj, a potom slijedi nova - 16. juna. Komentirajući spekulacije o potpisivanju SSP-a u julu, Negodić je kazala: "O tome se u Briselu nikada nije govorilo."

Briselska administracija trenutno prevodi oko 1.300 stranica Sporazuma i njegovih aneksa na jezike zemalja-članica. Posljednje anekse, koji se odnose na carinske tarife i kodove BiH je predala početkom aprila.

"Bila su sporna dva aneksa, u kojima je trebalo sa evropskim uskladiti carinske tarife i kodove za tisuće proizvoda",

kazala je Negodić, dodajući da je tu bilo dosta posla i trebalo više vremena.

Špirić po funkciji

Direktor Direkcije za evropske integracije (DEI) Osman Topčagić kazao je da je evropskim institucijama tekst ugovora preveden na bh. jezike dostavljen 4. aprila, a privremeni sporazum - 10. aprila. Briselski prevod rađen je uporedo.

"Koliko znam sada sve trebaju provjeriti pravnici, da bi bilo usklađeno na svakom jeziku", kazao je Topčagić.

SSP bi u ime BiH trebao potpisati, sukladno ovlaštenju Predsjedništva BiH, premijer državne Vlade Nikola Špirić, koji je i parafirao taj sporazum.

A. O.

Nove odluke supervizora za Brčko Rafija Gregorijana

Dva skupštinska mjesta za manjine

Stop preglasavanju • Za odluku potrebna najmanje trećina glasova iz svakog naroda

Nacionalne manjine u Skupštini distrikta Brčko dobile su dva poslanička mjesta, a za skupštinsku odluku ubuduće će morati glasati barem trećina poslanika iz svakog konstitutivnog naroda, predviđeno je novim odlukama supervizora za Brčko Rafija Gregorijana.

Gregorijan je jučer saopćio da je izmijenio Statut distrikta, te donio novi Poslovnik o radu

obrazovanja, jezika, budžeta, prostornog planiranja, nacionalnih praznika i spomenika.

Da bi promovirao efikasniji proces skupštinskog odlučivanja, Gregorijan je propisao da će u većini slučajeva odluke biti donošene glasovima poslanika koji su došli na sjednicu i glasaju.

"Samo opravdano odsustvo sa sjednice može odgoditi donošenje odluka o pitanjima koja su



Rafi Gregorijan promovirao efikasniji proces odlučivanja

Skupštine i novi Izborni zakon, koji je usklađen sa Statutom i nedavno mijenjanim Izbornim zakonom BiH.

"Afirmativni glas najmanje jedne trećine poslanika svakog konstitutivnog naroda koji su prisutni i koji glasaju biće neophodan za donošenje odluka o pojedinim pitanjima, da bi se spriječilo preglasavanje u Skupštini", pojasnio je Gregorijan nove mjere.

U Statutu je pobrojano u kojim slučajevima je potrebna barem trećina poslaničkih glasova, primjerice, u donošenju odluka koje se tiču religije, kulture,

predmet zaštite od preglasavanja", saopćio je Gregorijan, koji smatra da će ove odredbe podstaći poslanike da dolaze na sjednice, a da što manje nedolazak na sjednice ili nepravilno korištenje uzdržanih glasova koriste da bi blokirali rad Skupštine.

Nove mjere predviđaju uvođenje dva nova skupštinska mjesta za nacionalne manjine, kojima je dato dovoljno vremena da se pripreme za kandidovanje za izbore 8. maja.

Supervisor Gregorijan je pojasnio da novim mjerama želi poboljšati rad Skupštine i multietničku saradnju.

A. O.

- Sadašnja situacija je prilično konfuzna i moramo požuriti, dosadašnjom reformom nismo postigli ono što je trebalo i to treba ostvariti ovim zakonom, naglasio je Ajanović izrazivši nadu da novim zakonom treba stati ukraj nepotizmima u državnoj upravi.

Razvojna banka

Poslanici su u nastavku sjednice usvojili prijedlog zakona o Razvojnoj banci FBiH. Ako ga u istom tekstu prihvatiti i Dom naroda federalnog Parlamenta, ovim zakonom bit će omogućeno uspostavljanje banke koja će biti razvojna i izvozna, s ciljem poticanja privrednog i društvenog razvoja u FBiH. Predstavnički dom nije prihvatio amandman Hafeze Sabljaković (DNZ) da skupštinu banke čini federalni i deset kantonalnih premijera, tako da je ostala odredba prema kojoj će to tijelo sačinjavati članovi Vlade FBiH.

Skupština će na prijedlog Ministarstva finansija birati sedmeročlani nadzorni odbor. Kapital banke će biti u stoprocentnom vlasništvu FBiH i do 2010. godine bi trebao iznositi 400 miliona KM. Novac će u jednakim obrocima biti uplaćivan iz federalnog budžeta, počevši od ove godine.

S. ŠEHERČEHAJIĆ



Federalni poslanici usvojili prijedlog zakona o Razvojnoj banci

TRINAEST KANDIDATA ZA SUDIJU USTAVNOG SUDA

Konkurs za sudiju Ustavnog suda BiH iz Federacije je okončan. Na konkurs se prijavilo 13 kandidata: Amir Pilav Ismet Trumić, Fuad Puričević, Enes Išerić, Amor Mašović, Asim Kanlić, Faris Fehabović, Mira Makivić, Sevima Saliterzić, Damir Arnaut, Mirsad Ćeman, Hajrudin Mekić i Izmir Hadžiavić.

Po riječima Ismeta Osmanovića, predsjednika Komisije za izbor i imenovanja, u narednim danima bit će obavljen intervju sa svim kandidatima, nakon čega će biti sačinjena lista najuspješnijih koja će biti prosljeđena Predstavničkom domu.

Napadnuta novinarka FTV-a Gordana Ristović-Muslija

Novinarka FTV Gordana Ristović-Muslija jučer je napadnuta na novinarskom zadatku u Visokom. Nju je napao Enver Kobić, bivši kupac većinskog paketa dionica u firmi Bosnagraf.

Povodom tog čina oglasilo se Društvo novinara BiH:

"Napadi na novinare i medije postali su svakodnevnica u našoj zemlji. Nakon što je Kantonalni sud potvrdio presude o raskidu kupoprodajnog ugovora, Kobić je za svoj poraz odlučio okriviti novinarku FTV-a".

Dodaje se da je ovaj novopečeni tajkun, siledžijskim manirima, zaprijetio novinarki Ristović-Muslija da će o njemu i njegovoj firmi pisati po narednji njega i njegovih zaštitnika. Društvo novinara BiH Kobiću i njemu sličnim poručuje

da su mediji i novinari odgovorni javnosti. Uz javni protest, Društvo novinara BiH od nadležnih institucija traži konačno sankcioniranje lokalnih siledžija i njihovih političkih zaštitnika, koji demokratiju gledaju kroz svoj džep, stoji u saopćenju.

Udruženja/udruge bh. novinari i Linije za pomoć novinara rima izražavaju najoštrij protest povodom učestalih fizičkih i verbalnih napada na novinare i novinarku u BiH.

U Kalesiji je napadnut novinar Tuzlanskog lista Ramo Abidović, a u Visokom novinarka FTV-a Gordana Ristović-Muslija. Bh. novinari su zaprepašteni činjenicom da su novinari postali gotovo stalna meta fizičkih napada, vrijeđanja i prijetnji prilikom obavljanja profesionalnih zadataka.